
ФАРҒОНАДА КАСАЛЛИКДАН ШИФО ТОПГАНЛАР Сони 84 НАФАРГА ЕТДИ

Бугун Фарғонада коронавирусга чалинган навбатдаги 8 нафар бемор тўлиқ соғайди. Улар вилоят соғлиқни сақлаш бошқармаси масъуллари иштирокида Фарғона тумани Чимён қишлоғида жойлашган “Нурафшон” санаториясига реабилитацияга кузатилди.

Соғайган беморларнинг 7 нафари Туркиядан, 1 нафари Россиядан келган ва карантинга олинган фуқаролардир. Уларнинг 4 нафари Фарғона вилояти ва Тошкент шаҳридан, қолганлари эса Самарқанд, Бухоро, Андижон ва Наманган вилоятларидандир.

- Фарғона вилояти юқумли касалликлар шифохонасида беморларга барча шароитлар яратилган. Биз даволаниш жараёнида бирор-бир қийинчиликка учрамадик, - дейди Бухоро вилоятидан бўлган 61 ёшли онахон. - Шундай меҳрибон Юртбошимиз, ғамхўр давлатимиз борлигидан беҳад мамнунмиз.

Эслатиб ўтамиз, Фарғона вилоятида жами 84 нафар беморлар коронавирус касаллигидан буткул соғайди.

Фарғона вилояти ҳокимлиги Ахборот хизмати Facebook, Telegram, Веб сайт, YouTube

2020-05-04 14:14:26